

EVROPA.

9

gine: tumuit vix tribus Asia urbibus, Babylone, Ninive & Hierosolymis: Gloriantur hodie America Cusco: *Urbes.*
 Mexicoque Nova Hispania: at verò quis hoc tempore non videt pares majoresq; in singulis pene Europæ regi-
 onibus? Perambulet quis cogitatione solùm sua in Italia (exemplum enim subministret hic unus ille Mundi
 ocellus) sumtuosam Romæ Magnificentiam, Regalesque Veneriarum Opes, suspiciendam Neapolis Nobili-
 tatem, ferventia Genuæ Commercia & Negotiationes, felicem illam & beatam Mediolani Amœnitatem, ali-
 arum denique alia cùm miracula, tum commoda: Sileant sua, clamare cogetur, sileant parres Orbis cæteræ: Par
 nihil Europæ, nihil est secundum, Regiones eius (ut hodie eas appellamus) sunt *Hispania, Gallia, Germania, I-*
talia, Hungaria, Transilvania, Dalmatia, Græcia, Polonia, Lithuania, Moscovia, Roxolania, Dania, Suecia,
Norvegia. Sunt & Insulæ in Oceano Boreali, *Anglia, Scotia, Hibernia, Islandia, Frislandia.* Alibi aliæ. In Mari
 Mediterraneo sunt *Baleares Majorica & Minorica, Corsica, Sardinia, Sicilia, Melita, Corcyra, Creta,* pluresque *Lacus & Flumi-*
 aliæ. Lacuum verò, Stagnorum, Fluminum Aquarumque, quæ varis vires in hac parte quis enumeret? Quæ *na.*
 præter pisces, quorum incredibilem copiam subministrant, regionibus pro muro plerumq; sunt. Quid Maria?
 quorum commoditates, utilitates & delicias omnes si velim recensere, tempus me deficiat. Atque hæc suis lo- *Maria.*
 cis explicabuntur. Non desunt Europæ Montes inter quos Pyrenæi Alpesque perpetuis nivibus albicantes: ne-
 que etiam Sylvæ & Nemora, in quibus quum ferarum utilium alat copiam, nocivarum tamen raritatem meri-
 to potest jactare. Quid de Operibus publicis, tã sacris quàm prophanis, quid de privatis dicam? Innumera hîc *Opera publica &*
 magnifica Tempia, innumera Abbatiæ, infinita Cœnobîa, Monasteria, Xenodochia, ac Nosocomia. Plurima *privata.*
 Regum conspicua Palatia, innumera Magnatum & Principum magnificæ ac pulcherrimæ ædes: innumera de-
 nique & publica & privata ædificia. Habemus hîc Iura & Leges, habemus Religionis Christianæ dignitatem, *Leges & institu-*
 habemus humanitatis delicias, habemus armorum vim; habemus Senatores innumeros, viros prudentiâ *ta.*
 atque eruditione venerabiles. Denique si viros celebres conferre libeat: Nulla unquam tanta fuit in alijs Or- *Senatores & eo-*
 bis partibus Heroum Virorumque Nobiliû frequentia: quanta in uno aliquo Europæ tractu. Artes vero scien- *rum frequentia.*
 tiasque hæc pars Orbis ita tractat, ut ob multarum rerum inventionem, Mater; ob conservationem plurimarum,
 Nutrix Sapientiæ meritò dicenda sit. In hac sunt præstantissima florentissimæque bonarum literarû Athenæa, *Schola.*
 in alijs regnat mera Barbaries. Horum omnium virtutes recensere nimium foret. Vitia (quis autem iis ca- *Mores.*
 ret?) brevibus aliquot dictis circumferuntur: quæ attexere libuit: *Franci,* simplices, rustici, vehemētes. *Bavari,*
 sumtuosi, commessatores, procaces. *Suevi,* leves, loquaces, gloriosi. *Turingi,* diffidentes, sordidi, contentiosi,
Saxones, dissimulatores, versuti, contumaces. *Belge,* equestres, delicati, teneri. *Itali,* superbi, vindictæ cupidi,
 ingeniosi. *Hispani,* fastuosi, consulti, rapaces. *Galli,* elegantes, intemperantes, temerarij. *Cimbri,* magni, seditiosi,
 horribiles. *Sarmatae,* edaces, superbi, furaces. *Boëmi,* inhumani, novatores, prædatores. *Illyrici,* mobiles, maligni,
 tumultuatores. *Pannoni,* asperi, superstitiosi. *Græci,* miseri. Est & aliud haud minus lepidum. Pons Polonicus,
 Monachus Boëmicus, Miles Australis, Suevica Monialis, Italica devotio, Prutenorum religio, Teutonum jeju-
 tia, Gallorum constantia, nihil valent omnia.

B

AFRICA